

## DE CONSTITV. ECCLESIASTICIS. Fo. XXXVI.

pus, dedicatione templi significari dedicationem ecclesiæ catholicæ ac cuiuslibet hominis Christiani, qua copularuntur deo. Nam ut diuus Augustinus ait: Quotiescumque templi festivitatem colimus, si fideliter ac diligenter atendimus & sancte & iuste vivimus, quicquid in templis manufactis agitur, totum in nobis spirituali ædificatione completur. Non enim est mentitus ille, qui dixit: Templum enim dei sanctum est, quod estis vos. Et iterum: Nescitis quia corpora vestra templum est spiritus sancti. 1. Corin. 3

Cur templo & altaria consecrentur. Cap. XII.

**E**X vetustissima institutione & more receptum est, templo & altaria &c. Sicut non pleraque alia, quibus in templis ad excitandum fidelium animos & diuinum cultum explendum vtimur, consecrati, solennibusq; precibus ac benedictionibus dedicari deo, quod in veteri quidem testamento præceptum etiam divinum habuit. Quemadmodum Exodi. xxxi. &. q. Paralip. xxij. le Exodi. 31. gimus. Vngitur præterea secundum ecclesiasticam consuetudinem, quum consecratur altare, quum dedicatur templum, quum benedicitur calix, idq; non solum ex mandato veteris legis, verum etiam exemplo beati Silvestri, qui quum consecrabat altare, illud christmate perungebat. Verumunctionis sacramentum, aliud quidem efficit & figurat, tam in novo quam in veteri testamento. Vnde nō iudaizat ecclesia, quum unctionis celebrat sacramentum, sicut aliqui mentiuntur, qui necq; scripturas necq; dei nouere virtutem. c. i. & fi. de sacra unctione.

Populus docendus, quid agatur & significetur in consecratione templorum & altarium.

Cap. XIII,

**Q**UAMOBREM populus docendus est, hic aliud agi atque aliud significari quum consecratur templum. Funduntur preces domino, vt hunc locum sibi peculiariter dedicatum esse velit, vt diabolum & eius potestatem inde penitus expellat, vt omnes qui hoc deprecatur conueniunt, ex quacunque tribulatione consolationis diuinæ beneficia consequantur, vt ab omnibus pariter conuentientibus, deo laudes soluantur, diuinum verbum auditatur, ac ecclesiastica sacramenta ministrentur, Peculiariter altare consecratur, vt illuc oblatio munda deo offeratur, Hoc est, sacramentum corporis & sanguinis Christi, quod in memoriam passionis dominice immolamus. Quod vero præter preces, asperionis etiam atque unctionis aliarumq; rerum solemnia adhibentur, mysterij secretioris plenum est. Non q; inanimata ista, gratiae diuinæ suscepitua sint, sed quū hæc visibiliter fiunt, admonetur Christianus, deum omnia hæc per inuisibilem virtutem in anima operari, quæ est domus deo dedicanda, vbi fides fundamentum facit, spes erigit, & charitas consummat. Signat ergo templi dedicatio tam fidelis animæ quam ecclesiæ cum Christo despositionem. Ipsa enim ecclesia catholica ex multis vi